

# TULAFONO TAU FAAOFI O TEUTEUGA O LE TULAFONO O FAIAOGA 2019

## SAMOA

### Faamatalaga e Faamalamalama ai

#### Faamoemoega:

Ua taumafai le Tulafono Tau Faaofi e teuteu le Tulafono o Faiaoga 2016 (“Tulafono Autu”) e aiaia ai e faapea o totogifuapauina uma ua faatonuina e ao ona totogiina atu i le Faaputugatupe a le Ofisa o Tupe ma o le a faapea ona totogiina atu ai i se tulaga faapitoa o alauni o le Fono.

#### Fuaiupu:

- Fuaiupu 1:** - ua taua ai e faapea, o le Tulafono Tau Faaofi o le a taua, pe afai e pasia, o le Tulafono o Teuteuga o le Tulafono o Faiaoga 2019 ma e amata faamamaluina i le aso o le a filifilia e le Minisita.
- Fuaiupu 2:** - ua teuteuina ai le fuaiupu 27 o le Tulafono Autu, e ala i le suia o le upu “Fono” i le upu “Matagaluega”.
- Fuaiupu 3:** - ua faaofiina ai le fuaiupu 44A i le Tulafono Autu ina ia aiaia ai e faapea o totogifuapauina uma ua faatonuina e mauaina e le Matagaluega i lalo o le Tulafono o le a faapea ona tuuina i totonu o le Faaputugatupe a le Ofisa o Tupe.

- Fuaiupu 4:** - ua teuteuina ai le fuaiupu 46 ina ia aiaia ai e faapea o totogifuapauina ua faatonuina e fuafuaina e le Fono ma e noatia ma fai fuafua mo le iloiloga ma le faamaoniga a le Komiti Faatino o Tupe Maua a le Atunuu.



.....  
(Hon LOAU Solamalemalo Keneti Sio)

**MINISITA O AOGA, TAALOGA MA AGANUU**

**TULAFONO TAU FAAOFI O TEUTEUGA  
O LE TULAFONO O FAIAOGA 2019**

**SAMOA**

**Faatulagaina o Aiaiga**

1. Igoa puupuu ma le amataga
2. Ua teuteuina ai le fuaiupu 27
3. Ua faaofiina ai le Fuaiupu 44A fou
4. Ua teuteuina ai le fuaiupu 46

---

**2019, Nu.**

**O SE TULAFONO TAU FAAOFI UA TAU**

**O SE TULAFONO e teuteu ai le Tulafono o Faiaoga 2016 (“Tulafono autu”).**

**UA FAIA** e le Fono Aoao Faitulafono a Samoa i totonu o le Palemene ua potopoto e faapea:

**1. Igoa puupuu ma le amataga:**

- (1) E mafai ona taua lenei Tulafono o le Tulafono o Teuteuga o le Tulafono o Faiaoga 2019.
- (2) O lenei Tulafono e amata faamamaluina i le aso e filifilia e le Minisita.

**2. Ua teuteuina ai le fuaiupu 27:**

I totonu o le fuaiupu 27(c) o le Tulafono autu, mo upu “Fono (vagana ai mo sui o i latou ia o tagata faigaluega a le Malo po o tagata faigaluega a se faalapotopotoga a le Malo)” ia suia i le upu “Matagaluega”.

**3. Ua faaofiina ai le Fuaiupu 44A fou:**

I le tuanai ai o le fuaiupu 44 o le Tulafono autu, ia faaofi e faapea:

**“44A. Totogifuapauina:**

O totogifuapauina uma ua faatonuina ma aoina i lalo o lenei Tulafono e ao ona totogiina atu i le Faaputugatupe a le Ofisa o Tupe.”.

**4. Ua teuteuina ai le fuaiupu 46:**

Ua teuteuina le fuaiupu 46 o le Tulafono autu e faapea:

- (a) i le parakalafa (a), ia aveese upu “, i le noatia ma fai fuafua i le faamaoniga a le Komiti Faatino o Tupe Maua a le Atunuu”; ma
- (b) toe faanumera le aiaiga o i ai nei e avefa ma faafuiaiupu (1), ma faaofi e faapea:

“(2) O le aofaiga o se totogifuapauina po o se tau faaee atu ua faatonuina i le faafuiaiupu (1)(a):

- (a) e tataua ona fuafuaina e le Fono; ma
- (b) e noatia ma fai fuafua i le iloilogaga ma le faamaoniga a le Komiti Faatino o Tupe Maua a le Atunuu i lalo o le Tulafono o le Pulega o Tupe a le Malo 2001.”.